



Bosna i Hercegovina

Institut za razvoj mladih KULT



Bosna i Hercegovina

Federacija Bosne i Hercegovine
Agencija za državnu službu

Memorandum o razumijevanju
u oblasti razvoja politike prema mladima
u organima državne službe u Federaciji Bosne i Hercegovine

Ovaj memorandum o razumijevanju se zaključuje između:

Agencije za državnu službu Federacije Bosne i Hercegovine (u daljem tekstu: Agencija) koju predstavlja direktor mr.sc. Sead Maslo,

i

Instituta za razvoj mladih KULT (u daljem tekstu: Institut), kojeg predstavlja direktor Jasmin Bešić,

u daljem tekstu "Potpisnici"

Realizirajući svoju misiju i osnovne ciljeve djelovanja i uzajamno uvažavajući različite ali komplementarne uloge i odgovornosti,

promovirajući i podržavajući razvoj transparentne i profesionalne državne uprave u Federaciji Bosne i Hercegovine (u daljem tekstu: Federacija),

podržavajući uspostavljanje i razvoj partnerskog dijaloga i saradnje između organa vlasti i nevladinog sektora u skladu sa osnovnim vrijednostima i principima utvrđenim u Sporazumu o saradnji Vijeća ministara i NVO sektora u Bosni i Hercegovini usvojenog i potpisanog 2007. godine,

Potpisnici su utvrdili tekst ovog memoranduma o razumijevanju (u daljem tekstu. Memorandum) o ostvarivanju saradnje u oblasti razvoja politike prema mladima u organima državne službe u Federaciji.

Svrha i cilj Memoranduma

- (1) Osnovna svrha ovog memoranduma je doprinos razvoju politike mladih u državnoj službi u Federaciji, u skladu sa Zakonom o mladima Federacije Bosne i Hercegovine ("Službene novine Federacije Bosne i Hercegovine" broj 36/10) i Zakonom o državnoj službi u Federaciji Bosne i Hercegovine ("Službene novine Federacije Bosne i Hercegovine" 29/03, 23/04, 39/04, 54/04, 67/05, 8/06 i 4/12) i podzakonskim aktima donesenim na osnovu ovog zakona.
- (2) Sveobuhvatni cilj je uspostavljanje i razvoj saradnje među Potpisnicima u cilju unaprijeđenja procesa izbora službenika/ca za radnu poziciju službenika/ca za mlade u organima uprave u Federaciji.

Predmet saradnje

- (1) Predmet međusobne saradnje po osnovu ovog memoranduma obuhvata sljedeće:
 - a) Razmjena informacija, stručne literature i drugih resursa od značaja za ostvarivanje sveukupnog cilja i svrhe ovog memoranduma.
 - b) Konsultacije za pripremu stručne literature u postupku provođenja javnog konkursa za prijem službenika/ce za mlade u organima uprave u Federaciji.
 - c) Pozitivno promoviranje saradnje u oblasti razvoja kompetencija službenika/ca za mlade
 - d) Savjetodavna podrška Instituta u postupku izbora državnih službenika/ca za mlade koji provodi Agencija u skladu sa Zakonom o državnoj službi u Federaciji
- (2) Predmetom ovog memoranduma mogu biti i drugi oblici saradnje u oblastima od zajedničkog interesa koje dogovore Potpisnici, a što će se regulisati aneksima Memoranduma.

Način realizacije saradnje

- (1) Saradnja će se zasnivati u duhu partnerske saradnje, u skladu sa najvišim profesionalnim standardima, te u skladu sa važećim zakonskim, podzakonskim i normativnim aktima Agencije koji regulišu način upošljavanja i razvoj državnih službenika.

Prelazne i završne odredbe

- (1) Ovaj Memorandum nije ugovor i stoga ne uspostavlja bilo kakve pravne obaveze za Potpisnike. Njegova namjera je da pruži osnovu za saradnju u oblastima opisanim u prethodnom tekstu.
- (2) Memorandum stupa na snagu danom njegovog potpisivanja. Saradnja na osnovu ovog memoranduma trajat će onoliko dugo koliko Potpisnici budu smatrali da je to u njihovom obostranom interesu.
- (3) Memorandum može prestati važiti na zahtjev svakog od Potpisnika, uz prethodnu pismenu najavu sa kratkim obrazloženjem razloga za takvu odluku.
- (4) Svaki nesporazum i/ili spor koji nastane u vezi sa tumačenjem bilo koje odredbe ovog memoranduma, Potpisnici će rješavati dogovorno, na prijateljski način.
- (5) Ovaj Memorandum je potpisan u 2 (dva) istovjetna primjerka, gdje svaki potpisnik zadržava po 1 (jedan) primjerak.


Jasmin Bešić
IZVRŠNI DIREKTOR

Broj: 11437-01.09.0


mr.sc. Sead Maslo
DIREKTOR

Broj: 01-05-1-391/13